


福惠全書

六

74  
6473  
18



門 7  
號 6473  
卷 18



四六大啓

候某協院

伏以龍飛天際甲金流萬界之紅光鵠舉臺端羽玉刷九  
 重之黃燄寰宇特爲洗色衣冠慶以騰聲恭惟台臺支天  
 赤柱駕世彤輪拔崧高之蒼秀岳靈移巒巘于鴻襟控渭  
 上之清泓河伯貢漣漪于鶴臆陰風吹諫草寒廻青鎖之  
 毫銖怒電掣彈文光繞銀臺之筆陣于是功高四海爭傳  
 折檻之風而憲肅百僚遂拜協臺之命太微垣少微垣一  
 碣挺崑銅板地狂飈排不動彝分野漢分野八紘縈海鐵

福惠全書

卷之三十一

稟啓附

一

野村堅氏贈

衣爛烟香浮桂殿矣某才慙下駟曾趨錦里之塵跡愧枯  
魚久沐玄津之潤望真人于霄漢日遠長安投下吏于海  
濱風殊閩徼

候川撫劉公

伏以捧日月而作重瞳重暈重輪照耀被四天之下挈地  
天而歸一手一經一緯平成高百代之中已聞焚草慶清  
時又見采薇歌遠鎮恭惟台臺撐霄品岳撼海才濤臂力  
控雲間而十萬里漂星浴宿之銀河可高攬斗杓而拘盼

光擎電闢卽三千丈割夜破昏之玉燭應遠燎輪鑑之臨  
秀甲嶽崿不爲醫巫閭曷抗起幽燕之宇勁爭嶺峯真如  
華不注忽飛來堯舜之庭折檻播雄聲霹靂鈴車轟諫首  
奉常翹峻表昆侖銅柱聳朝班烟秋月之孤懸九列光生  
共指晶蟾卿寺出壯曉風于八面三川響裂咸驚鼓角鉞  
臺開古錦城今錦城玉壘浮雲揮塵何難立掃大劍戍小  
劍戍金牛落日挑戈卽可重廻行當冠功閣而獨擅麒麟  
入睿幄而永符罷虎某仕林樗質宦海洋踪仰青岱而蒙  
收久厠亭云之列飲滄溟而知感難修涓滴之酬縹緲行

稟啟附

仙瑞氣正占天五色艱難作吏苦心空費日千籌未遑擁  
簞清塵敢用片陳上從伏願拂秦鏡而下照俯披一寸之  
私控蜀宇以高擊蚤勒萬春之績天衡喬待 帝眷崇膺

候文宗某

伏以文昌上將當聖人御世而益騰魁斗之光旗鼓中原  
有才子主盟而倍長坵壇之價臨風相慶依宇良欣恭惟  
祖臺接天峻表蓋代雄才燦萬花于手管紅飛杏苑之奇  
香剪雙水于瞳輪青映蠡湖之巨浸詰戎駕部胸埋十萬  
甲兵樹幟文臺領挈三千禮樂如伯樂空羣而一顧行天

逸駿應發交河瀚海之嘶似中郎過爨而相知絕世焦桐  
定舒清廟明堂之響化淡棧我幸 聖天子之作人有賴  
澤深桃李知大宗師之造士偏奇 某腹慚武庫當年喜侍  
清塵筆謝詞鋒此日驚瞻皎藻借文星而照里依光之願  
堪酌媿宦海以羈踪擁篲之情莫展 某非肅肅裁械  
薄志賀私統惟崇鑒

候水巡臺

伏以寒帷闔國者定樹入道風猷陳臬外臺綱紀作四方  
表率遙分鏡韻如映冰壺恭惟台臺道岸先登儒林首出

襟度與西湖競爽秀挺雙眉文芒共北斗爭寒花飛片楮  
 自升華于臺秩曾凝白簡冰霜暨較藝於楚封益羅青箱  
 桃李中外之別歷日久君民之籍重殊深露冕行春光照  
 蕉源翠色垂紳駐節威生片浦雄風恩徧酒以為膏佇登  
 三獨印雙懸而如斗貞度百僚蓋胸有數萬甲兵安談錯  
 盤而不可且神普三千世界何難屬轄以兼司爭看執玉  
 之榮會見賜金之寵某猥以豎儒謬叨俗吏蟻封盤馬果  
 何以廻策如縈雞邑烹鮮終且懼負乘致寇旁皇聞命戰  
 慄無躬所恃巨庇可乘雲是以遐思先仰斗拜下風於咫

尺敢云蚤和琴音冀河潤以滋培庶得蘿因松茂託之百  
 頓馳以寸衷

候潘守臺

伏以宿映台垣憲節分旬宜之重望隆玉帳經綸歸控制  
 之權預展候闈佇聽曳履恭惟台臺忠結主知學先民覺  
 胸襟修異氣吞禹穴晴雲才思清瑩手弄聖湖明月歷試  
 公卿于中外旋資屏柱於藩宣西省參和江上之朱輪動  
 地外臺執法匣中之丹穎流恩人望攸歸帝心簡在擁  
 旌旄而臨兩鎮鳴珮玉以翰八閩威名同吉甫之佐周萬

井嬉遊謳夜月聞譽比召公之分陝千秋鞏固樂薰風蓋  
符握南邦業砥乾維於半壁佇寵頒北闕應持斗柄於三  
台某樸樸庸材僅槍鷄步風塵賤吏謬潤蠅涎初領一同  
躑躅深虞折北久依萬厦命提實籍指南願弱縞以兼收  
鴻毛亦抃希折鈎之不棄大治咸鑪即擬披雲預修短奏  
茲懸就日敬瀝夙衷不盡剡裁統惟照鑒

候錢太尊

伏以五典佐王績茂握蘭之省一麾出守寵分剖竹之符  
是以活萬人者封于以酬五馬之貴恩覃海甸瑞靄榕城

恭惟台臺聖代璠璣熙朝柱礎九苞鳳彩輝騰三竺之雲  
百斛龍文潤洒六橋之雨得宇宙之清者爛若星辰當雪  
霜之紛者歸然松栢方效發硎之用即趨詮筆之班世推  
明允臯陶三尺持平於法部人服廉威趙抃千石建節於  
朝歌隻鏐津中紫氣光橫牛斗九峯簾內孤標影綴雀柴  
中郎豈薄睢陽耶聊煩卧護朝廷深知弱翁矣行即召歸  
某一經未究六翻無成提封謬領一同縣譜無聞三異幸  
步清塵矢心效其正芴竊追芳躅引領欣為執鞭部慶觀  
風臺依近水願有天而不冒擬即日以握趨先布蛩音遙

干鴻造

オホテウマテマクシカスル

候許刑館

伏以奎壁察人文四海集英雄之毅風霜嚴法署九霄分  
 使者之符同籍爭榮末僚動色恭惟台臺虞山名雋震澤  
 奇英宮錦為心披藻昭回雲漢色明珠作唾驚風紛落筆  
 毫花登杏苑之詞壇科名領袖探錦帆之學海紳笏源頭  
 獨對楓宸合在學士八磚之地爰標李署來佐福星一路  
 之邦法案對青天滿袖清風噓雲蓋覆盆瞻白日九霄甘  
 雨洒天池布福於詮筆歎書浴恩於泣車湯網會見仁心

廣被繼召爰而咏騶虞固知惠意弘敷大千門以迎駟馬  
 某躬慙短羽力借長風緬記燕臺附驥喜分杏籍之餘榮  
 于今岩邑烹鮮自覺筍班之迥隔朝夕受事于左右提命  
 漸引于周行權溢伸着感深刻腑擬趨鳴閣預奏魚書心  
 曲葵葵毫瑞草草

候張三府

伏以瑞擁雲門七淵發山川之靈蘊祥迎日戶八閩流霆  
 電之嚴光望切鴻庥情深斗仰恭惟台臺文心鉅匠天目  
 奇姿屈注銀潢萬頃之波瀾注管高搖玉塵半空之雲霧

福惠全書

卷之三十二

稟啟附

本

生衣巍科蜚鄉國之聲茂績播神明之頌宸遊鼎鼐簡在  
 股肱甘霖隨滿黃堂星屏散彩惠露覃延赤社風骨標華  
 甲秀色于西子湖中擅雄才于夷君峯下雲蓋爭傳香案  
 吏歡擁朱幡天池快觀玉堂仙欣瞻紅幕某學慚為長官  
 喜得師山城馴雉深懷鳴綺之風滬瀆烹鮮未聞奏刀之  
 巧幸儀型伊邇可佩服為常茲快趨步有規得借薰於蘭  
 漉仰祈未照俯納細流即日振趨臨風粉滌已上先  
君文集  
 送守道入賀 聖壽  
 伏以驄馬朝天紫氣飛騰千萬里星輅拱北祥光耀耀于

層霄快湛露之興歌知金莖之有賜權騰屬吏喜動天顏  
 恭惟台臺儒林鳳羽海內龍門天挺奇才世稱異品周邦  
 屏翰匹申伯以同聲商鼎鹽梅繼傅巖而並烈績隆行省  
 望洽中朝茲當萬國之呼嵩乃借羣工而拜表錄成金鑑  
 追風度於曲江詩和卿雲挹恩光于舜日聖人三祝歡情  
 豈後于華封天子萬年文德載歌于召虎某生際昌期躬  
 逢勝事慚負弩之無由謹貢暄而作頌伏願誠通當宁道  
 格宸衷投君無異果矢忠悃以志沼毛壽國有奇方鍊仁  
 義而為鴻寶中書二十四考壯猷永奠乎唐基廣成于二

神皇正統記

卷之三十一

真景啓附

七



百年至道常陳於軒錄

賀道尊壽

伏○以○至○誠○天○健○配○二○曜○以○貞○明○君○子○日○升○合○萬○靈○而○受○祉○  
 遙○瞻○壽○域○恭○進○霞○觴○佳○氣○浮○天○懽○聲○動○地○恭○惟○台○臺○德○自○  
 天○生○神○從○嶽○降○望○隆○各○世○應○五○百○載○之○昌○期○仁○覆○窮○簷○造○  
 億○萬○民○之○命○脉○金○門○曼○倩○天○上○歲○星○采○筆○青○蓮○人○中○仙○品○  
 盛○德○食○玄○穹○之○報○固○宜○台○鼎○之○崇○躋○仁○人○調○元○化○之○偏○自○  
 是○岡○陵○之○叶○祝○某○久○庇○帡○幪○深○沾○培○植○視○茲○懸○弧○之○令○節○  
 曷○勝○獻○曝○之○微○忱○謹○效○蟲○吟○聊○申○燕○賀○伏○願○西○王○屢○降○頻○

脉當作肌

添海屋之籌南極常懸永註蓬萊之籍

上兵備道

伏○以○樓○船○建○鉞○遮○海○國○以○長○城○甲○冑○如○林○壯○東○南○之○半○壁○  
 旌○旗○變○色○草○木○生○威○恭○惟○台○臺○青○毡○起○第○黃○石○授○書○擗○管○  
 裁○雲○賦○甘○泉○而○吐○鳳○乘○風○破○浪○起○北○海○以○搏○鵬○邊○畧○必○需○  
 乎○長○才○文○事○每○兼○乎○武○備○分○藩○雄○鎮○數○聲○刁○斗○風○清○執○象○  
 憲○臺○千○里○關○河○月○靜○軍○中○一○范○驚○西○賊○而○膽○寒○海○上○孤○標○  
 龔○南○葵○而○頸○繫○從○容○借○筋○方○畧○如○神○談○笑○圖○碁○韜○鈴○自○在○  
 輕○裘○緩○帶○羊○叔○子○之○遺○風○雅○歌○投○壺○杜○南○陽○之○軌○度○蓋○出○

則方叔召虎而入則周公召公某學困雖蟲才慚倚馬肉食徒訊於曹劌莫佐一籌毛錐久擲于班生未能萬里幸託龍門而長價徒瞻虎旅以揚休伏願戰勝廟廊永貢越裳之雉澄青海濛再彰麟閣之勳

謝袁撫臺

伏以天子念功恤勞臣而賜休沐至人造物收下士以廣搜羅榮倍登龍譽慚舞雀恭惟台臺東漢各宗延陵望族家傳清白披裘五月之風見地高崇望馬吳門之識希文雅志進憂君而退憂民叔度汪波澄不清而滑不濁班聯

侍從堂堂京兆田郎出典旬宣赫赫壯猷方叔字人春日歷官歲星久標赤幟于中原乃借長城於海甸力除閹難再造民生疏抗萬言當道驅狼之氣功成一箭高墉射隼之心召伯甘棠何人不咏羊公尸祝隨地稱隆事定而效赤松遊固已解組歸里身歸而圖明主報猶欲以人事君下逮庸流亦沾薦贖某質本迂疎才無表見荆州品題即佳士何期跡混齊竽歐陽賞識必聞人竊愧質同燕石蓋葑菲不遺乎下體豈桃李可收于公門心切雀環情陳鯉素粗貢沼毛之敬聊將曝日之忱伏願東山命駕北闕承

恩履珮躡凌烟再憫蒼生之望功勳彰汗竹大弘名世之猷

迎鄭郡守

伏以驥足騰空夙重燕臺之價龍泉吐焰新來闕渚之光  
水部無雙福星有賴恭惟台臺奇才天挺過英妙之終軍  
德器少成壓汪波之叔度南宮獨步早觀上苑之花東箭  
馳名初領冬官之秩光依日月履曳星辰詞賦杜陵采筆  
益揮於粉署風流何遜清才出刺乎揚州以天上之仙郎  
爲人間之師帥蓋漢世名公卿多出典郡而我朝劉東山

恨不親民應看五馬之來春已卜單車之就道某官慙司  
理職攝端城越俎詎可治庖代斷終虞傷指仰瞻台從何  
異雲霓敬迓文旌聊同竹馬負弩雖羈于鞅掌登龍已切  
于神馳伏冀遄臨曷勝寵籍已上外父鄒莊石先生文集

候楊提臺

伏以龍韜雷奮九重隘闕外之權虎節雲屯四塞協師中  
之吉東國盡歸甲帳南天舊識牙旌夙庇鷹揚虔伸魚訊  
恭惟台臺文武弘猷經綸偉望敦詩書而作帥三軍瞻紫  
電之干城憑樽俎以折衝百將式朱顏于裘帶傳令則六

合標奇風雲成陣登壇而九天試秘草木知威樓船霞時  
 金鉦連溢浦江聲甲冑霜明銀組亂廣陵濤色久擅旌旄  
 之寄更崇節鉞之尊維二東喉呃之衝近屏淮服接三輔  
 股肱之地遠翰神京特宿重兵佇煩元老風恬紫帳關寒  
 虎豹之魂日麗彤牙海絕鯨鯢之影挽天河以洗兵甲靖  
 萑澤而答昇平華注峯前立馬望岱雲之繞護峭山湖畔  
 捲旗聽鏡吹之繁歌已看威著龍裳會見助圖麟閣某江  
 介鯁生邊陲末吏材同下里濫吹齊氏之竽質比輕蘿願  
 附將軍之樹雀躍典思仰止久傾于鈴閣鳧趨未逮瞻言

猶阻于戟門泐布蕪詞侑將芹獻敬馳下走用代趨承伏  
 冀台慈俯垂鑒采

賀學臺新正

伏以王燭調和五色轉灰葭之管璇臺布澤三陽廻谷黍  
 之春始和而誦新禧椒花結彩寰宇而依舊德棫撲興詩  
 士氣懽騰官寮喜溢恭惟台臺金啟精英玉融風雅銀濤  
 珠露石渠研班馬之文錦字瑤函嵩室讀神仙之籍卿雲  
 掩靄光浮絳帳之華奎曜昭回影映冰壺之鑑世叶得師  
 之願邦收造士之資茲者律居太簇序始黃鍾元日昌辰

已轉幾衡之柄春玉召令初看賞莢之司淑氣迴芳梅柳  
 近瓊階而獻笑陽和出震蕪蕪迎玉節以含滋試循華序  
 之推遷共仰元功之調燮某樸橄微林章縫賤品縮銅有  
 俱茂弘結綬常慚叔度拙守之品流最下期一當于輿評  
 高山之仰止彌殷冀無忝于朗鑒伏願履端伊始長發其  
 祥頌介祉于興居迓純禧于錫命從此三條銀蠟驪黃盡  
 圓于東邦佇看五夜瑤塔鳳詔御來于北闕值茲大節曷  
 展寸私

賀上臺午節

伏以五葉莫開炎暑共舒于化日九畦蘭馥芳時幸濯于  
 恩波節適屆乎天中歡共騰于宇下良辰既際福履應綏  
 恭惟台臺心徹冰壺氣鍾玉律望崇山斗合九有而仰止  
 依光度越滄溟盡百川而朝宗赴壑救晴原而撫繡陌百  
 城棠蔭常濃揮蜀扇而奏虞絃千里薰風自拂海國之攬  
 槍盡掃辟兵何假靈符炎景之曦馭方升延算偏宜綵縷  
 茲者時逢重午節屆一陰印結雙扉喜泛菖蒲之玉粽傳  
 九子爭堆角黍之金凡叨臨照于龍光共切馳情于燕賀  
 某江介鯁生荒區末吏幸徼洪庇大厦久托連雲欣邁令

辰○微○忱○莫○將○寸○草○擬○鳧○趨○而○未○敢○托○馬○足○以○遙○伸○伏○願○藻  
 火○榮○施○槐○風○晝○靜○調○羹○玉○鼎○初○乘○梅○子○之○黃○拜○賜○金○鑾○早  
 捧○麻○音○之○白○肅○忱○葵○向○用○展○蕪○詞

賀上臺中秋

伏○以○銀○輪○初○滿○秋○光○藻○耀○于○朱○門○玉○律○方○中○霽○色○昭○回○于  
 畫○省○瞻○崇○禱○之○介○福○值○佳○節○之○昌○辰○慶○協○輿○圖○歡○騰○屬○采  
 恭○惟○台○臺○切○雲○大○厦○浴○日○洪○流○宰○六○合○之○宏○猷○鋒○飛○斗○下  
 啓○千○秋○之○長○夜○朗○叶○區○中○劍○在○室○而○燈○在○帷○未○嘗○露○光○芒  
 之○色○海○能○涵○而○岳○能○潤○蓋○已○全○流○峙○之○材○二○東○之○攬○槍○盡

掃○自○隨○令○序○借○清○三○秋○之○雲○漢○常○明○直○與○冰○心○比○潔○值○茲  
 商○音○正○肅○更○羨○月○魄○長○輝○令○節○平○均○碧○洗○四○天○一○色○舒○光  
 滿○馭○清○驅○千○里○無○埃○濯○素○魄○于○冰○壺○漾○金○波○于○銀○漢○華○延  
 栢○錦○寧○誇○晏○府○之○奇○綉○宇○桂○叢○直○勝○庾○樓○之○槩○某○江○介○迂  
 儒○荒○區○末○吏○隙○隅○向○晦○猶○仰○照○于○容○光○弱○草○驚○秋○尚○承○恩  
 于○湛○露○伏○願○星○辰○履○近○岳○鎮○風○高○盈○盈○白○露○未○懷○聊○托○葉  
 葭○冉冉○素○輝○微○緒○借○傾○葵○藿○敬○陳○下○走○薄○侑○蕪○詞  
 迎○東○亮○李○道○臺

伏○以○北○闕○擁○雙○旌○錫○命○出○芙○蓉○之○殿○東○隅○佇○四○牡○仁○風○崇

芍藥之班龍光遠賁門迎肅氣以先澄牙繡徐臨沂水  
 望雄風而競拂歡騰屬案慶溢黎氓恭惟台臺應運真儒  
 匡時上哲品崇嵩室合九有而景止依光度越滄溟盡百  
 川而朝宗赴壑早奪蟪蛄之秀式高崑玉之儔青年射策  
 花明寶馬春風紫氣凌雲才濯錦江秋水允矣清滿棠堂  
 借鸞棲而馴桑雉洵哉名高畫省從雞舌而濯花驄玉節  
 銅符叱馭直臨邊徼外碧雞金馬褰帷久到夜郎西蓋已  
 靖六詔之風煙自益沐九霄之雨露惟瑯琊夙稱岩地控  
 齊魯之名藩兼驛傳每屬繁區筦輪裳于王會特專寵任

暫試雄才五雲瑤綺先飛麗彩于彤牙千里金城預識澄  
 清于玉轡故里龍蟠自談笑問南陽舊蹟天門虎卧任從  
 容尋晉代風流某江表鯁生荒陲末吏拙守之品流最下  
 高山之仰止彌殷天與厚緣欣覩鳳綸之自北陰思廣廈  
 漸看鴻渚之遵東伏願惠濟時乘來蘓早慰星辰履近長  
 瞻福蔭于雲霄嶽鎮風高行普商霖于海國敬伸蕪奏肅  
 布芹私伏冀台慈俯垂鑒采  
 賀濟東丹道臺兼理驛傳  
 伏以五雲牙繡東邦筦王會之圖四牡星輅北闕重朝宗

稟啓附

之典海國欣瞻鴻樹末員慶企龍光恭惟台臺秀發滄溟  
 望崇柱石文經武緯授外寄以咸宜義震仁懷道中存而  
 時出撫萬戶而庭無稽牒春風榮屈軼之華領兩郡而蔭  
 洽輿圖秋水覩神羊之迹方從魯國借保障之弘猷旋筮  
 郵傳膺特恩之簡界惟山左南通淮甸北達燕京紫陌之  
 咽喉最重而驛使上而輅車下而封事紅塵之供頓尤繁  
 散則十羊九牧誰籌會計于中樞合則萬縷千絲全鼓經  
 綸于掌握霞蒸雲擁時送九重之絳節凌霄電逐風馳會  
 見千里之瑯鞍烙地勛烈久銘玉藻姓名佇覆金甌某荒

區末吏江介鯁生手板送迎每愧塵沾馬首芻蕘供峙尤  
 慚職隸虎符欣瞻一路福星遠竊二天恩庇杼寸忱而肅  
 賀端下走以陳詞伏願瑯函再錫玉節頻膺長隼高旗暫  
 作藩侯之錦塹錢冠赤鳥行登禁籙于綸屏不既揄揚曷  
 勝欣忭仰祈丙鑒無任寅恭

迎新任張寅翁

伏以驄馬出丹青百里郎垣開雨露彤帷分赤縣雙旌靄  
 色壯風雲攀依共切蒿萊企仰尤深葑菲恭惟台臺金時  
 精英玉融風雅錦泉丹穴儼豐沛之毓蕭曹紫殿青霜如



武庫之推韓范咳唾則珠璣月露亦各早掇巍科咏嘯而  
 詞藻天葩文譽直空異野如干將之出匣占游刃于新  
 矚製錦之成章識雄才于補衮聊爾棠為芟舍洵哉棘作  
 桐棲甫聆入境之先聲已誦來蘇之後我雲間獨鶴繞行  
 馬以前驅天上雙鳧望花城而載道豈非一東之福曜日  
 為九域之台衡弟某江表輒生蠹藜下士兩年作吏深愧  
 糠粃之先一旦去官猶幸兼葭之倚撫此瘡痍赤子念念  
 惟父母遺慚顧茲盤錯巖封事事望賢良補救伏願軒綬  
 蚤貴華綬飛臨葭迥律轉遙知寒谷之回春凍合梅開競

望朱輪而獻笑有懷芹曝不盡葵傾仰冀淵涵俯垂電矚  
 四六小啟

侯楊提臺

恭惟台臺元老壯猷丈人貞吉龍驤虎蹈旂常之張畧久  
 宣嶽峙山凝保障之威權特重夜月敞高牙共指攬槍影  
 滅春雲環細柳不聞刁斗聲高百花洲上見輕裘緩帶之  
 雍容七萃營中聽鼓吹鏡歌之叠奏何止金城千里共欽  
 玉帳元戎某猥以短翮株守崑疆簿書之駒隙頻勞手板  
 之馬塵易困每懷幕府未展寸私雖自顧而愧仄彌深幸

台容而疎愆或宥敬從家君竿牘之後薄將小子芹曝之  
忱通家孔李石交倍切于當年鈴閣孫吳河潤幸邀于此  
日惟冀敦父誼于古處畧下吏之塵踪三疊肅陳九頓鳴  
謝

賀上臺元宵

恭惟台臺慧炬高張清標遠映朗朗誦入懷之明月融融  
欣有腳之陽春東邦靜鈴析之氛何待金吾弛禁北海引  
樽罍之興不嫌玉漏頻催值茲三五良宵共羨一年初望  
香車寶馬暗隨綺陌之塵火樹銀花競過瑤笙之響東君

弄春色試觀鷺駕山來素影逐人回坐待虹橋路啓不數  
花開琪樹恍疑人在蕊宮某幷喙久戴乎高天忭蹈倍殷  
于今節願金蓮之夜永不須市剔銀燈誦寶幄之春輝無  
負天磨玉鏡敬陳俚韻肅侑清歡伏冀台慈俯垂茹鑒

賀道臺午節

恭惟台臺才涵萬有勳炳兩間憲麻權尊波鹵盡闕至計  
海濱地重月明誰載私離甘雨逐朱輪千里淋濡膏澤嚴  
霜凝繡斧百城凜冽威稜值茲地臘天中欣逢朱夏在午  
陰生姤則君子含章位爲離而大人繼照鯨影久消海國

龍標競逐芳晨白水青蒲已識太平之有象堆金砌玉共  
欣解慍之薰風某朽質難雕葵心久向筐無襍佩莫修約  
臂之絲械有風詞用代縣門之艾敬陳竿牘肅侑芹忱

賀道臺中秋

恭惟台臺金峙精英玉融風雅朗朗入懷之慶亭亭凌漢  
之標風雷動而貪墨洗心清徹公門之水雲漢章面寰區  
景象光搖使者之星茲者素輝共挹重輪佳節欣逢三五  
雙清此夜何煩絃管吹開一碧當空早稱樓臺雅興乘槎  
河漢既勞八柱以承天綏帶軒堂試展一尊而吸月凡茲

閭習悉屬昭宣矧列斗區敢忘依戴某繪天無技窺管猶  
慙臨月榭而玉宇流華輒思近水望天香而金枝飄藥尤  
切瞻雲止此下吏之抒忱豈曰上交之敢擬肅將芹悃薄  
侑桂醕

迎東兗李道臺

恭惟台臺鵬圖學海鳳覽儒林八紘仰經濟宗工一代推  
文章鉅哲紫占斗下鋒飛吼匣泉阿綠潤寰中瑞協濟時  
甘澍倚注雅需燮鼎敷宣暫藉褰帷方從南詔碑前立馬  
續磨崖之片石繼看東邦封內停車開芟舍之層陰士民

預想于來蘇寮屬佇懷夫丰采某質居謏劣叨備屬員欣  
聞綸綍之自天益切併矇于就日惟幸龍光在邇彌令麗  
技心慚組繫鳧趨延頸關前瞻紫氣縷縈燕賀齋心發戟  
拜明霞肅獻微忱敬馳下走仰祈丙鑒無任寅恭

復濟南金太尊

恭惟台臺氣吞潮海岳降高高三典佐王法雨膏濡綠野  
一麾作守台垣首燦青齊秀姑射奇姿清比濯纓之潔鍾  
淮南異彩名高華注之峰某荒區未吏江介迂儒當冰天  
之四映值軒乘之來過負弩郊原已幸披雲于芝宇褰帷

色笑益欣覆露于槐天乃未修稟于魚箋先誌隆施于雀  
躍尺函遠錫真如十部之榮芳頰頻噓何翅萬間之庇捫  
心知感戴德彌慚敬因憲使之旋薄具曝芹之獻敢云報  
李聊付傾葵尚役貢陳伏希崇鑒

賀充糧廳壽

恭惟台臺祥儲太乙彩毓函三絲竹傳魯壁清音共指案  
前仙吏苞絡景菰城秀發羣知岳降申生值茲林鍾協奏  
壽域弘開東方半刺欣蓮幕之常依南極一星比薇垣而  
共耀競獻交梨火棗方瞳之紫炁盈階何須浮李沉瓜綺

席之青麟滿座凡茲屬邑其切欣瞻某樸橄散材久叨雲  
 蔭分宜趨承台陛捧介霞觴虔脩下吏之誼以引大年之  
 祝惟因匏繫邊隅莫遂隊隨寮屬肅佈微忱代馳下走望  
 鸞訝其未遠祇雀躍以何從伏冀台慈俯垂鑒采

賀兗糧廳代觀

恭惟台臺璠姿雪鑑皎操水壺解澤潤蒼生之福禱袴權  
 濃陽和回大地之春龍光譽滿頃者二年報政車服以庸  
 之時又屬萬國朝宗公侯用享之日元英勸駕紫氣開旌  
 瀨潞風清吹送仙舟登碧漢長安日近行瞻帝座擁紅

雲雖虎頭城下適為竹馬之迎而豹尾班中早看槐龍之  
 舞某職覬鳴柴材慚剖竹喜起竚錫康侯實切未僚之慶  
 提携暫違慈母更闕下吏之私以匏繫之難辭欲負弩而  
 未獲所為悵悵同乎士民而依依先于高厚者也昨以滋  
 陽公札附申脂轄之誠茲復不忝專函聊展歌驪之意揣  
 分不嫌于再三論心未抒乎一二

復沂州太尊

恭惟台臺才擅國琛氣涵天寶魯諸儒之稽古以飭政刑  
 漢循吏之近民實原經術堂殿清風披拂桑麻起色簾垂

夜月歌騰襦袴揚聲益經濟之猷暫展一州如斗大將優  
 崇之命即登八座倚雲高者也某猥以庸流謬當劇地時  
 逢錢穀糾紛計拙簿書鞅掌何以治邑不可急恃德化之  
 旁敷不習為吏視已成幸典型之在望特荷栽培戴德與  
 高天並永每懷奮激感衷同秋色俱深况際佳辰尤懷盛  
 德盈盈白露下懷未托于蒹葭冉冉素光降既反貽乎瓊  
 玖揣分知慚撫膺增懼謹九頓以拜完容三薰而嗣展  
 迎新任張寅翁  
 恭惟台臺扶輿學海奎壁儒林錦毫占崑玉之班藝苑奪

蠶蛛之羣羣頌龍蟠異產彩襲潘花庶幾鳳宿層臺輝聯  
 魯雉當軒車之載道已竹馬之喧迎弟某樸樵匪材謬膺  
 民社十年塵欠兩載艱辛欲紓賦則前令有未竟之局欲  
 督催則小民有并徵之苦心力交窮墊賸踵累竊茲舊逋  
 告竣不煩新政縈神但弟操本鉛刀任叨巖邑當內省則  
 負疚千端每報政亦自書下考惟幸斗山重望已頽首而  
 傾心冀茲香吏仙才早更絃而奏治龍光未遠敬聽車音  
 茲因崑役奉迎附陳不腆伏祈台照憑穎神馳

復沂州楊鄉宦

恭惟臺下簪纓世胄闕閭名家簡任楓宸方倚承明之護  
 游膺芝綽行分專閫之權侍袞龍而依彤闕望重禁垣總  
 魁虎以建碧幢威揚畿甸弟野藪庸材江皋末品通籍名  
 區時適逢于盤錯備員錦里庇尚藉乎賢豪依切龍旂有  
 慙鳧鳥乃蒙瑤札載錫豐儀申命自天甫開函而色動報  
 瓊無地惟對使以心慙

上京口張鎮臺

獻歲發祥履端納祐新花照席當吉甫之燕周細柳開營  
 識絳侯之有子弟鳴葉鮮學剖竹多慚寒同燕谷欣逢王

者之春弱比垂蘿願附將軍之樹昨承次公之枉顧殊增  
 俗吏之光華乃以倚馬卽行遂致蟻誠未展茲乘孟令親  
 之便載申不肖弟之懷隴頭枝放借傳一紙春風日下葵  
 傾仰冀三台霽照臨啟曷勝瞻馳之至

賀宿遷令君之任

恭惟台臺玉融風雅金啟精英嶺嶠千尋青嶂移來秀色  
 河流九折紫瀾坐擁雄封鵬萬里以高騫雲翼欣穿月窟  
 鳳九苞而下覽棘藜聊代桐花佇看製錦以報章已奏新  
 斲其若爾弟某 樸檄下材濫竽茲土而老年臺命世弘猷

暫為小試已頌揚載道朱壺冰絲直飛越東魯而映色矣  
 荒郊之與貴治衝劇難治政復相同惟冀老年翁冰雪相  
 映肝膽相披尺五花封郵筒非遠凡有相關時思惠好敢  
 云葭玉之倚庶幾唇齒之依則弟且望淝津而九首矣暫  
 役魚箋聊申燕賀并陳不腆薄貢芹私伏冀台慈俯垂茹  
 鑒俗稱啟頭書尾者此類是也。已上六鴻學製畧言

是書成於甲戌歲之孟冬梓於己卯歲之仲夏計頁凡柒佰陸拾壹  
 字凡貳拾柒萬叁仟玖佰叁拾寫刻精工校讐詳數無一字潦草訛  
 脫誠恐四方龔利奸徒私竊翻刊紙板粗惡字蹟模糊舛錯以贗亂  
 真令觀者難以入目如有此輩懇乞  
 當道大人 縉紳先生維持風教共彰公禪并 賜聞金陵本堂立馳  
 鳴究啣戢無既 種書堂謹啟 福惠全書四六稟啟附終



